



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1508. usque ad annum 1513

Fleury, Claude

August. Vind. [u.a.], 1769

VD18 90118456

§. 36. Pontificii exercitus progressus in Romandiola.

[urn:nbn:de:hbz:466:1-66433](https://nbn-resolving.org/urn:nbn:de:hbz:466:1-66433)

§. XXXV.

Sæcul. XVI.
A.C. 1509.

*Omnes Mediolanensis Ducatus urbes
a Rege occupatæ.*

Vix decima septima effluxerat dies, cum Rex omnes, quæ a Mediolanensi Ducatu dependebant, urbes recuperasset, civibus ubique claves offerentibus, eisque clementiam exorantibus; quippe Cremenses, Cremonenses, Bergomenses, Brixienfes, ac Cravaggiani, quorum civitates ex foederis Cameracensis lege Regi Christianissimo debebantur, nequidem obsidionem expectabant, sed ultro portas Gallis aperiebant: Picelo quoque ad primæ provocationis terrorem deditio- nem fecit; Piscariam autem Galli post duodecimam diem expugnarunt, præsi- diariis omnibus ferro trucidatis, ut eam cædem vindicarent, quam nuper Trivii ab hoste acceperant.

*Seyffel hist.
Lud. XII.
Ciacon. in
Jul. II.
p. 224.*

§. XXXVI.

*Pontificii exercitus progressus in
Romandiola.*

Neque hic infensa Venetis fortuna ste- tit; quippe Pontificis exercitus vi- tricibus armis totam ferme Romandio- lam occupaverat; in eam quippe duo- decim armatorum millia induxerant Car- dinalis

*Marian. l. 29
n. 821
Guicc. lib 8.
Hist. de la
Ligue de
Cambray
l. 1. p. 132. t. 1*

Sæcul. XVI
A.C. 1509.

dinalis Papiensis, Ferrariæ Dux, & Franciscus Maria de Ruvere Julii II. Nepos, qui defuncto Godefrido Ubaldo Avunculo suo in Urbinatis Ducatu successerat. Hic copiis in aciem eductis urbes a Venetis captas aggressus, primo Solarolam Faventinæ ditionis urbem ex improvise invadebat, dein ipsam Faventiam occupabat, postea vero rapidi torrentis instar Ariminum, Ravennam, Cerviam, & nobilissimas Romandiolæ urbes cepit, eodemque ardore Venetos ab omnibus civitatibus, quas Ecclesiasticis ditionibus eripuerant, propulsavit, illasque denuo Sedi Apostolicæ conjunxit. Papa votorum suorum plene compos factus, recuperatis omnibus, quæ a longo tempore ab Ecclesia avulsæ erant, urbibus haud ampliora appetebat: Dux vero Ferrariensis, qui S. R. E. vexilliferi munere auctus, Papæ copiis imperabat, pro jure suo Peninsulam Rodigianam, quæ Athesii & Tanaro interjacet, a Venetis per plures annos possessam, sibi vendicavit.

Marian l. 29. Marchio quoque Mantuanus Asolam, & Lunatum cepit, quas urbes Veneti Joanni Francisco de Gonzaga Marchionis Proavo abstulerant. Denique Venetos a pluribus, quas in Tridentino tractu detinebant, urbibus ejusdem Dioecesis Episcopus depulit.

§. XXXVII.